



## NORA JO DEZAKEZU?

**Emakumeen Talde Nagusiaren** eginkizunetako bat da gizarte zibileko erakundeek –giza eskubideen alde egiten dutenek, garapen iraunkorrean oinarrituta eta arreta emakumeen giza eskubideetan jarrita– NBEn parte-hartzea eta beren ekarpena egitea erraztea.

**UPR-Info** GKE bat da, Genovan egoitza duena; giza eskubideak sustatzeko AAuren prozesuan jarduten du lanean, eta AAUn sartzea errazten die gizarte zibileko erakundeek, giza eskubideen alde lanean ari diren pertsonak, giza eskubideen instituzio nazionalak, edota beste talde nahiz elkarte batzuei edo gizarte zibileko edozein kideri, baldin eta AAuren prozesua erabili nahi badute giza eskubideak sustatzeko eta babesteko bitarteko gisa.

**Giza Eskubideen Institutu Daniarra (DIHR, ingelesez)** giza eskubideen instituzio nazional bat da. Egoitza Danimarkan badu ere, eta hango parlamentuaren erabaki batez sortu bazen ere, egun DIHR mundu osoan ari da lanean, giza eskubideen beste hainbat instituzio nazionalekin batera, eta beste hainbat gobernu, gizarte zibileko erakunde eta enpresarekin, haien herrialdeetan giza eskubideak sustatzeko gaitasuna indartzeko asmoz.

## Garapen Iraunkorrerako Helburuetarako Giza Eskubideen Institutu Daniarraren Gidaliburuak

nabarmentzen du zer lotura duten GIHen helmugek nazioarteko nahiz eskualdeetako giza eskubideen aldeko tresna nagusiekin, eta orobat, zer lotura dagoen nazioarteko lan-arloko estandarren eta ingurumen-arloko funtsezko tresnen artean.

**UPR-Info** erakundeak eskaintzen duen **datu-basean** AAuren gomendio guztiak eta hartutako borondatezko konpromisoak jasotzen dira zenbait kategoriatan: Aztertutako estatua, Gomendatutako estatua, Eskualdeko Taldea, Erakundea, AAuren zikloak, Gaikako auziak, eta Ekintza-mota.

## Lesbiana, Gay, Bisexual, Trans eta Intersex pertsonen Nazioarteko Elkartea (ILGA, ingelesez) badu AAUrako Tresnen Kit bat SOGIESC arloko gaietarako;

hain zuzen ere, gidaliburu bat da, sexu-orientazioaren, genero-identitatearen, genero-adierazpenaren eta sexu-ezaugarrien inguruko gaietan (SOGIESC) lanean ari diren aktibistentzat, AAuren prozesuan parte hartzen laguntzeko.



## KONTUAN HARTU BEHARREKO TRESNAK

**HRCren salaketa-prozeduran, informazio-eskuliburu** batek eta **FAQ** (galdera ohikoenak) atalak aukera ematen diete giza eskubideen urraketen biktima izan diren norbanakoei, taldeei edo GKE-ek urraketa horiek HRCn salatuzko, bai eta urraketen lekukotasun zuzen eta sinesgarria dutenei ere. Ez da beharrezkoa estatuek eskubideen hitzarmenik berretsita izatea, salaketa-prozedura horren arabera aztertuak izateko.

## MUGIMENDUEN AHOLKUAK

Herrialdeen AAuren azterketa-prozesuan, gizarte zibileko erakundeek txostenak, instituzio nazionalen txostenak eta interesa duten beste eragile batzuen txostenak onartzen dituzte, ez bakarrik aztergai diren herrialdeetakoak, baizik eta beste herrialdeetakoak ere bai, baldin eta aztergai den herrialdeak egindako ekintzaren ondorioz edo egin ez duen ekintzaren ondorioz beste herrialde horietan giza eskubideak urratu badira. Esaterako, giza eskubideen inguruan gobernuak dituzten lurraldez gaindiko betebeharren auzietan. Era berean, Prozedura Berezien mandatuen titularrek edozein unetan jaso ditzakete gizarte zibileko erakundeek aurkezpenak, komunikazioak eta salaketak, beren mandatuarekin lotura duen edozein auzirean inguruan.

Bai AAuren prozesuak, bai Prozedura Berezien mekanismoak, mekanismo eta metodo instituzionalizatuko eskaintzen dituzte gizarte zibileko erakundeentzat, beren herrialdeetan eta hainbat gairen inguruko auzietan giza eskubideen inplementazioa eta jarraipen-azterketa sartzen laguntzeko.

Herrialde guztiak ez dituzte konbentzio guztiak berretsi edo sinatu, eta batzuek ez dituzte Giza Eskubideen zenbait mekanismo ere aintzat hartzen. Hori dela eta, GIHak, onarpen unibertsaleko agenda zabalagoa direnez, sarbide egoki gisa erabil daitezke zure gobernuak oraindik berretsi ez dituen hitzarmen eta konbentzioetan jasotzen diren auzi eta hizkeretarako.

AAuren prozesuan lantzen diren giza eskubideen auziak askotarikoak izanik, gobernu bat aztertzen ari badira, dela AAuren bidez dela GIHen Borondatezko Azterketa Nazionalaren bidez, biak aldi berean edo une desberdinetan, emakumeen giza eskubideen aldeko erakundeek etekina atera dezakete azterketa horietatik, esaterako bi prozesuetarako txosten bera erabiliz, edo bi txostenak eginez modu osagarrian, edo bi azterketa horien arteko aldian aldaketarik izanez gero azken txostenaren erantsiz.